

# Күцмджтәгъәр тархагдв

Мана республикин күч-көлсчнр икәр соньмсдж, дурлдж, 1959-ч джидин мөнъгнә — өлг-эдин лотерейин билете хулддж авцхав. Давсн 10 сард мана республикд 218 минъгън билет хулдгдв. Тедн дунд Элст балгъсна, Сарпинск, Целинн, Черноземельск района күч-көлсчнр икәр авцхав.

Давсн 10 сард мана республикин хоршуалгъна кассмуд «хүвтә» 15 минъгъ гар билетмүдт 450 минъгън арслнъга шүүвр өлг-эдәр болн мөнъгәр өгв. Тедн дунд 3 пианин, 4 мотоцикл, 5 холодильник, 12 кевс, залу улсин болн күүкд күүнә гарт зүүдг 41 часмуд, теднәс 11 алтн час, үйлүйдг 27 машин, 4 телевизор, 7 баян болн аккордеон, 9 радиопремник, зург цокдг 17 аппарат, Хар тенъгсин Кавказ эргндк көвәгъур йовдж хәләх

туристск путевк болн нань чигн кесг өлг-эд тусв.

Ноябрин 30-с авн декабрин 4 күртл Свердловск балгъснд мөнъгнә — өлг-эдин, 1959-ч джидин дөрвдгч гарцин лотерейин шүүврин тираж болхмн. Республикин күч-көлсчнр 150 минъгън арслнъгд лотерейн билетмүд хулдад авчкв. Целинн болн Черноземельск райодин әмтс билетмүдән хулддж авад төгсәджәнә.

Мана орн-нутг гаргъдг мөнъгнә — өлг-эдин лотерейин билетмүдин ик олзнь эн: негдвар, күч-көлсчнр мөнъг, өлг-эд шүүддж авх, хойрдвар, хулден лотерейин билетмүдин үнин 50 процентнь бәәрн бюджетд орад, шин школмуд, клубмуд, больницс тосхлгънд олзлгдхмн.

**И. ТКАЧЕНКО.**